



Ilijaški logoraši danas obilježavaju „Dan logoraša“ općine Ilijaš i tako se na prigodan sjećaju teških dana tamnovanja od početka 1992. godine, ali i svih logoraša koje su pripadnici srpske vojske odveli i o njihovoj sudbini se ni danas ništa ne zna. Kroz ilijaške logore, od kojih su najpoznatiji bili oni u osnovnim školama u Ilijašu i Podlugovima, prošlo je blizu 1000 logoraša, muškaraca, žena, djece i starijih osoba.

Neki od ilijaških logoraša bili su zatočeni i u logorima na području Vogošće, kao što su Planjina kuća u Svrakama, bunker i restoran „Kod Sonje“ u Vogošći.

- Danas poslije 19 godina radosna vijest je da se pred sudom pravde nalaze dvojica osumnjičenih za ratne zločine u Ilijašu. Oko 800 logoraša nalazi se na području općine Ilijaš, a malo ih je na godišnjici,

logoraši nisu nikako zaštićeni zakonom, ljudi pojedinačno podnose tužbe sudovima i sami se bore. Sve škole bi trebale dovesti djecu da čuju šta se sve dešavalo kako bi se razvila svijest o važnosti historije.

– kaže Sabahudin Šehić, predsjednik Udruženja logoraša. Danas su se obratili i predsjednici federalnog i kantonalnog

Udruženja logoraša,

koji su još jednom

pozvali nadležne da procesuiraju ratne zločince. Cvijeće na Spomen ploči položili su predstavnici Udruženja logoraša Ilijaš, te predstavnici Općine Ilijaš.

[Preuzeto sa www.ilijas.ba](http://www.ilijas.ba)